

春
秋
左
傳
詁

春秋左傳詁卷五

陽湖洪亮吉學

傳

惠公元妃孟子詁諡法愛人好與曰惠又曰柔質慈民曰
 惠史記魯世家惠公名弗湟世本作弗皇陸德明釋文
 作不皇春秋元命包元首也詩閔宮建爾元子毛傳亦
 同傳曰嘉耦曰妃爾雅釋詁孟長也張揖廣雅釋詁孟
 始也世本宋子姓杜本此孟子卒詁服虔云重言孟子者
 嫌與惠公俱卒故重言之本疏鄭元禮記注卒終也劉熙
 釋名卒竟也繼室以聲子詁呂覽上德篇高誘注繼續
 也王逸楚辭注同禮記三十壯有室鄭元注有室有妻

稱室也諡法不生其國曰聲服虔云聲子之諡非禮也

杜佑通生隱公諡法隱拂不成曰隱又不顯尸國曰

隱又見美堅長曰隱世本隱公名息姑史記止作息宋

武公生仲子諡史記宋世家乃命微子開代殷後國于宋

世本宋更名睢陽諡法剛強直理曰武又威強敵德曰

武又克定禍亂曰武又刑民克服曰武又夸志多窮曰

武鄭元禮記注仲中也一切經音義引韓詩同言位在

中也仲子生而有文在其手諡王充論衡雷虛篇紀妖

篇並作有文在其掌自然篇仍作手字按古掌字本作

爪說文爪从反爪孟子母仇氏仇即爪之誤也曰為魯

夫人諡史記周本紀封弟周公旦于曲阜曰魯應劭曰曲

阜在魯城中委曲長七八里曲禮曰諸侯曰夫人鄭元

注夫之言扶釋名諸侯之妃曰夫人夫扶也扶助其君

也故仲子歸于我歸詩毛傳婦人謂嫁曰歸鄭元禮記

注歸謂歸夫家也虞翻易注歸嫁也杜本此生桓公而惠

公薨歸諡法辟土服遠曰桓又克敬勤民曰桓又辟土兼

國曰桓是以隱公立而奉之歸賈逵云隱立桓為太子

奉以為君本疏稱賈逵解詁鄭眾以為隱公攝立為君奉桓為

太子同上棧柱注亦本賈義惟正義以奉以為君為賈之

妄不知賈實依經為訓使國人知桓有君道而奉之非

隱以君禮奉桓也周禮鄭注奉猶進也廣雅奉持也又

云奉獻也是奉皆有尊崇之義故賈云奉以為君耳

隱公元年春王周正月不書即位攝也說文攝引持也

鄭元周禮注攝訓為代或云攝假也杜本賈服之徒以

為四公皆實即位孔子修經乃有不書本疏劉賈穎為傳

文生例云恩深不忍則傳言不稱恩淺可忍則傳言不

書同賈氏云不書隱即位所以惡桓之篡釋例三月公及

邾儀父盟于蔑邾子克也未王命故不書爵曰儀父貴之

也釋文一本賈服以為北杏之會時已得王命本疏服虔

云爵者醮也所以醮盡其材也同公攝位而欲求好於

邾故為蔑之盟夏四月費伯帥師城郕說文郕魯亭

也杜本不書非公命也初鄭武公娶于申曰武姜說文

地理志南陽郡宛故申伯國杜本賈逵云凡言初者隔

其年後有禍福將終之乃言初也

本疏

白虎通娶者取也

按釋文本娶多作取生莊公謂諡法叡通克服曰莊又
兵甲亟作曰莊又勝敵志彊曰莊及其叔段謂賈服以
其爲諡諡法敬長事上曰其按以其爲諡賈服之義爲
長正義云見殺出奔無人與之爲諡今攷魯之穆伯晉
之欒懷子皆出奔見殺得有諡叔段莊公母弟雖出奔
得追諡可知杜云段出奔其故云其叔則虞公出奔其
池亦當謂之其乎明當以賈服爲長也莊公寤生謂按
應劭風俗通不舉寤生子俗說兒墮地未可開目便能
視者謂寤生是寤生始生卽開目者又南涼錄慕容德
傳德母晝寢而生德父號曰此兒易生如鄭莊公則又

以易生為寤生今考杜注以莊公因寤寐而生則與慕

容德正同故注義亦與德父孰之言相似驚姜氏故名

曰寤生遂惡之愛其叔段欲立之亟請於武公公弗許及

莊公即位為之請制國京相璠曰制鄭邑水經地理志河

南郡成臯故虎牢或曰制杜本按杜注地理多取京相

璠說公曰制巖邑也釋文巖本又作巖爾雅釋山巖嶢巖山

貌也按成臯四面皆山故曰巖邑號叔死焉國地理志

河南郡滎陽應劭曰故號國今號亭是也杜本按地理

志又云子男之國號會為大恃勢與險鄭語史伯亦云

號叔恃險此即號叔恃巖邑之證佗邑惟命請京國賈

逵云京鄭都邑史記地理志河南郡京師古曰即鄭共

集解

叔段所居也

杜取此

使居之謂之京城大叔祭仲曰都城

過百雉國之害也韻賈逵馬融鄭元王肅之徒為古學者

皆云雉長三丈

本本

古春秋左氏說云百雉為長三百丈

方五百步

禮記疏

左氏說一丈為板板廣二尺五板為堵

一堵之牆長丈高丈三堵為雉一雉之牆長三丈高一

丈以度其長者用其長以度其高者用其高也

本疏引五經異

義按諸說不同杜蓋取賈說先王之制大都不過參國

之一中五之一小九之一韻周書作雉解大縣立城方王

城三之一小縣立城方王城九之一不舉中從可知案

與祭仲之言適合所謂先王之制也今京不度韻說文

度法制也

杜本此

非制也君將不堪公曰姜氏欲之焉辟

害對曰姜氏何厭之有不如早爲之所無使滋蔓音義服虔

云滋益也蔓延也謂無使其益延長也眾經蔓難圓也

蔓草音義說文蔓葛屬椈葛屬皆延藤故上云滋蔓猶不可

除况君之寵弟乎公曰多行不義必自斃音義說文斃頓仆

也斃或从死韋昭國語注斃踏也杜本子姑待之音義詩

毛傳姑且也杜本既而大叔命西鄙北鄙貳於已音義椈

周語百姓攜貳韋昭注貳二心也此貳于已義亦當然

杜注云兩屬蓋望文生訓非本義公子呂曰國不堪貳

君將若之何欲與大叔臣請事之若弗與則請除之無生

民心公曰無庸將自及大叔又收貳以爲已邑至于廩延

音義說文邲鄭地今本作延案下傳晉侯伐鄭及邲唐開

成石經本卽作鄉三國魏志袁紹渡延津追擊魏武卽

此道元云河水自酸棗縣又東北通謂之延津杜亦同子

封曰可矣厚將得眾公曰不義不暱厚將崩說文黏黏

也春秋傳曰不義不黏按今本作暱暱與黏音同又假

借字今考不黏之義正與將崩相屬自當以黏黏爲長

杜訓親暱失之又按考工記凡昵之類不能方鄭司農

云故書昵或作櫪杜子春云櫪讀爲不義不昵之昵或

爲黏黏也賈公彥引左傳亦作昵李善文選注引左

傳同吾友陳樹華云唐元度九經字樣黏字注音相黏

也見春秋則知唐時尙有作黏者大叔完聚說文服虔以

聚爲聚本黍也疏棧完聚以服說爲長杜云城郭人民

失之繕甲兵具卒乘說文繕補也廣雅繕治也三倉

同高誘呂覽注步曰卒眾經音義引三蒼載曰乘杜本此

將襲鄭白虎通德論襲者何謂也行不假塗掩人不備

也夫人將啓之說文后開也杜本此公聞其期曰可矣

命子封帥車二百乘以伐京司馬法兵車一乘甲士三

人步卒七十二人杜本此炊家子十人固守衣裝五人廐

養五人樵汲五人輕車七十五人重車二十五人故二

乘兼一百人為一隊京叛大叔段段入于鄆公伐諸鄆

五月辛丑大叔出奔共賈逵曰共國名史記地理志河

內郡其故國杜本此書曰鄭伯克段于鄆段不弟故不言

弟如二君故曰克稱鄭伯譏失教也謂之鄭志不言出奔

難之也。謂服虔云公本欲養成其惡而加誅使不得生出。

此鄭伯之志意也。

本疏杜取此

遂寘姜氏于城穎。謂虞翻易

注寘置也。釋文同。賈逵云鄭地。

杜取此

按水經注洧水南

有鄭莊公望母臺而誓之曰不及黃泉。謂服虔云天元

地黃泉在地中故曰黃泉。

史記集解杜本此

一曰泉注地中故

曰黃泉也。

李善文選注

無相見也。既而悔之。穎考叔為穎谷

封人。謂賈逵云穎谷鄭地。

水經

穎水出穎川陽城縣西

北少室山。酈道元云穎水有三源。奇發右水出陽乾山

之穎。谷春秋穎考叔為其封人。按廣韻穎禾末也。穗也。

又姓。左傳有穎考叔。今攷穎考叔以穎谷得名。謂作穎

誤聞之。有獻於公公賜之食。食舍肉。公問之對曰小人

有母皆嘗小人之食矣未嘗君之羹請以遺之爾雅肉

謂之羹字林腩肉有汁也公曰爾有母遺緊我獨無爾

校僖五年服虔注緊發聲也則此亦當同杜注云語助

即取此義穎考叔曰敢問何謂也公語之故且告之悔

對曰君何患焉若闕地及泉爾詩蜉蝣掘閱鄭箋掘地解

閱謂其始生也管子山權發篇北郭有掘闕而得龜者

尹知章注掘穿也求物及穿地至泉曰闕吾友桂馥云

掘闕掘闕即左氏闕地之義隧而相見爾賈逵國語注

闕地通路曰隧鄭元禮記注隧延道也杜本聲類埏墓

隧也文選後漢書陳蕃傳不閉埏隧其誰曰不然公從

之公入而賦大隧之中其樂也融融爾惠棟補注曰融古

文作彤張衡思元賦展洩洩以彤彤李善注引左傳鄭
莊公入而賦大隧之中其樂也彤彤融與彤古字通按
殺阮碑亦以彤爲融姜出而賦大隧之外其樂也泄泄

韻服虔云入言公出言姜明俱出入互相見本思元賦

舊注泄泄彤彤皆和貌按泄諸本皆作洩因避唐諱今

訂正下同遂爲母子如初君子曰頴考叔純孝也**韻**爾

雅純大也詩毛傳同愛其母施及莊公詩曰孝子不匱

韻鄭元禮記注匱乏也永錫爾類**韻**王逸楚辭章句類

法也詩云永錫爾類其是之謂乎 秋七月天王使宰

咺來歸惠公仲子之賵緩且子氏未薨故名天子七月而

葬同軌畢至**韻**鄭元服虔皆以軌爲車轍也本說文同諸

侯五月同盟至大夫三月同位至士踰月外姻至說文

姻婿家也女之所因婚婦家也按散言之則並通故詩

曰懷婚姻也周禮陸嫻鄭注姻親於外親也嫻姻古字

通杜注姻猶親也本此贈死不及尸甲生不及哀豫凶

事諸本或作預從宋本改**詒**高誘淮南王書注韋昭國語注並云豫

備也非禮也 八月紀人伐夷詒應劭漢書注劇縣故

紀侯國今紀亭是杜本夷不告故不書 有蜚不為災

亦不書詒說文蜚臭蟲負蟊也杜本惠公之季年敗宋師

于黃詒地理志陳畱郡外黃臣瓚曰縣有黃溝故氏之也

杜亦公立而求成焉九月及宋人盟于宿始通也 冬

十月庚申改葬惠公詒賈逵云改備禮也太平公弗臨詒

御覽

賈逵云葬嗣君之事公弗臨言無恩禮曰改葬總也上同

故不書惠公之薨也有宋師大子少謂服虔以為宋師即

黃之師也是時宋來伐魯公自與戰本疏葬故有闕謂賈

逵云言是以禮闕故御覽是以改葬 衛侯來會葬不見

公亦不書謂地理志河內郡朝歌紂所都周武王弟康叔

所封更名衛杜本此鄭其叔之亂公孫滑出奔衛衛人為

之伐鄭取廩延鄭人以王師虢師伐衛南鄙謂地理志宏

農郡陝故虢國北虢在大陽東虢在滎陽西虢在雒杜本

此請師于邾邾子使私于公子豫豫請往公弗許遂行

及邾人鄭人盟于翼不書非公命也 新作南門不書亦

非公命也 十二月祭伯來非王命也 眾父卒公不與

小歛故不書目謂賈逵云不與大歛則不書卒

本疏

二年春公會戎于潛修惠公之好也戎請盟公辭莒子

娶于向向姜不安莒而歸夏莒人入向以姜氏還司空

無駭入極費庠

諸本誤作庠字今從釋文改正

父勝之

戎請盟秋盟于

唐復修戎好也

九月紀裂繻來逆女卿為君逆也

冬

紀子帛莒子盟于密魯故也

鄭人伐衛討公孫滑之亂

也

三年春王三月壬戌平王崩赴以庚戌故書之夏君氏

卒聲子也不赴于諸侯不反哭于寢不耐于

此上三字諸本皆誤於

今从石經宋本訂正

姑故不曰薨不稱夫人故不言葬不書姓為公

故曰君氏

鄭武公莊公為平王卿士謂賈逵云卿士之

有事者六卿也御王貳于虢鄭伯怨王王曰無之故周

鄭交質韋昭國語注質信也王子狐賈逵云周平王

之子同上村為質於鄭鄭公子忽賈逵云鄭莊公太

子忽也同上說文回出氣詞也从日象氣出形春秋傳曰

鄭太子忽按古今人表仲忽作中忽揚雄傳于時人皆

名之漢樊敏碑奄忽滅形忽乃古忽字為質於周王崩

周人將昇虢公政賈逵云周地名蘇氏邑也四月鄭祭足

帥師取温之麥賈逵云温周地名蘇氏邑也漢書地

理志河內郡温故國已姓蘇忿生所封也按云四月云

秋皆舉夏時而言杜注非也秋又取成周之禾賈逵地理

志河南郡洛陽是為成周杜本周鄭交惡君子曰信不

由中質無益也明恕而行要之以禮雖無有質誰能閒之

苟有明信詩正義采蔡引傳作明德澗谿沼沚之毛爾雅山夾水澗

山積無所通谿說文同按杜注云谿亦澗誤詩毛傳沼

池也沚渚也廣雅毛草也詩采芣傳引此毛即作草杜本

此蘋蘩蕒藻之菜詩毛傳蘋大萍也蘩籜蒿也藻聚

藻也按杜注蕒藻聚藻也是訓蕒為聚非毛傳意今攷

顏氏家訓書證篇引郭注三倉云蕒藻之類也則蕒亦

水草不可空訓作聚且尋上下文義澗谿沼沚筐筥錡

釜皆四者並舉況蕒字从草何得空訓作聚杜氏之說

疎矣筐筥錡釜之器詩毛傳方口筐員曰筥有足曰

錡無足曰釜杜並本此潢汙行潦之水爾雅服虔云畜小水謂

之潢水不流謂之汙行潦道路之水是也

本

疏一云水不

泄謂之汙

文選注

可薦於鬼神可羞於王公鬲鄭元周禮

注薦羞皆進也未食未飲曰薦既食既飲曰羞按此傳

于鬼神言薦于王公言羞蓋卽此意杜羞字注本此而

況君子結二國之信行之以禮又焉用質風有采蘋采蘋

雅有行葦泂酌昭忠信也武氏子來求賻王未葬也

宋穆公疾召大司馬孔父而屬殤公焉鬲諡法短折不成

曰殤曰先君舍與夷而立寡人寡人弗敢忘若以大夫

之靈鬲辭絲東京賦注靈明也得保首領以沒鬲說文勃

終也从肉勿聲般字注云般或从旻先君若問與夷其

將何辭以對請子奉之以主社稷寡人雖死亦無悔焉對

曰羣臣願奉馮也公曰不可先君以寡人爲賢使主社稷
 若弃德不讓是廢先君之舉也豈曰能賢光昭先君之令
 德可不務乎吾子其無廢先君之功使公子馮出居于鄭
 八月庚辰宋穆公卒殤公卽位君子曰宋宣公國論法聖
 善周聞曰宣可謂知人矣立穆公其子饗之命以義夫
 商頌曰殷受命咸宜百祿是何石經及諸本作荷今
 从詩頌及釋文改正其是
 之謂乎 冬齊鄭盟于石門尋盧之盟也國按哀十二年

傳服虔注尋之言重也温也義當同此地理志泰山郡

盧郡國志屬濟北國杜本此 庚戌鄭伯之車僨于濟國服

虔云僨仆也漢書注按釋文取服說水經濟水出河東垣

縣東王屋山爲沈水至鞏縣北入于河衛莊公娶于齊

東宮得臣之妹韻服虔云得臣齊世子名居東宮詩疏杜取此

曰莊姜美而無子衛人所為賦碩人也又娶于陳韻地理

志淮陽國陳故國舜後胡公所封杜本此曰厲嬀韻諡法

暴慢無親曰厲世本陳嬀姓生孝伯早死其姊戴嬀生

桓公韻諡法典禮無愆曰戴莊姜以為己子公子州吁嬖

人之子也韻說文嬖便嬖愛也有寵而好兵公弗禁韻廣

雅禁止也莊姜惡之石碯諫曰韻賈逵云衛上卿史記集解

按說文無碯字當作碯說文諧大聲也諧或从碯今本

碯字當屬碯傳寫之譌又熹平石經作碯廣韻碯敬也

按莊十九年敗黃師于碯陵石碯字或从此今定从碯

臣聞愛子教之以義方韻廣雅方義也何晏論語注方義

方也弗納于邪驕奢淫佚韻說文洪水所蕩佚也按此

喻人性蕩佚如水所自邪也四者之來韻服虔云言此

四者過從邪起本疏寵祿過也將立州吁乃定之矣若猶

未也階之爲禍夫寵而不驕驕而能降降而不感感而能

眡者鮮矣韻鄭元禮記注感恨也釋文本此按感字下已

从心再加心旁非是今諸刊本皆誤作憾此从石經宣

十一年二感往矣成二年釋感等字尙皆作感因據改

下並同說文眡目有所恨而止也按爾雅釋言眡重也

釋文本此且夫賤妨貴少陵長遠間親新聞舊小加大

淫破義所謂六逆也君義臣行父慈子孝兄愛弟敬所謂

六順也去順效逆所以速禍也君人者將禍是務去而速

之無乃不可乎弗聽其子厚與州吁游禁之不可桓公立乃老

四年春衛州吁弑桓公而立公與宋公爲會將尋宿之盟未及期衛人來告亂夏公及宋公遇于清宋殤公之

卽位也公子馮出奔鄭鄭人欲納之及衛州吁立將修先

君之怨於鄭國服虔以先君爲莊公本疏一云隱二年鄭人

伐衛先君莊公詩疏按州吁弑桓公必不更爲之修怨此

先君服說指莊公最是杜注非也而求寵於諸侯以和

其民使告於宋曰君若伐鄭以除君害國服虔云公子馮

將爲君之害詩疏君爲主敝邑以賦國服虔云賦兵也以

田賦出兵故謂之賦同上與陳蔡從則衛國之願也宋人

許之於是陳蔡方睦於衛地理志汝南郡上蔡故蔡國

杜本故宋公陳侯蔡人衛人伐鄭服虔云衛使宋為

主使大夫將故敘衛于陳蔡下上同詩序使公孫文仲將

而平陳與宋核詩序蓋本毛傳孫子仲謂公孫文仲也

圍其東門五日而還公問於眾仲曰衛州吁其成乎對曰

臣聞以德和民不聞以亂以亂猶治絲而棼之也廣雅

紛紛亂也棼棼古字通釋文亦云棼亂也夫州吁阻兵

而安忍韻文選注引此傳文并杜注云阻恃也今杜注無

之則此三字或係服注阻兵無眾安忍無親眾叛親離

難以濟矣夫兵猶火也弗戢韻詩鄭箋戢斂也將自焚也

夫州吁弑其君而虐用其民於是乎不務令德而欲以亂

成必不免矣 秋諸侯復伐鄭宋公使來乞師公辭之羽
父請以師會之公弗許固請而行故書曰翬帥師疾之也
諸侯之師敗鄭徒兵取其禾而還 州吁未能和其民厚
問定君於石子石子曰王覲爲可曰何以得覲曰陳桓公
方有寵於王陳衛方睦若朝陳使請必可得也厚從州吁
如陳石喑使告於陳曰衛國褊小喑王逸楚辭章句褊狹
也老夫耄矣喑說文年九十曰耄从老从高省玉篇收
耄耄二字耄字下注與上同亦作耄五經文字耄字从
老省从毛今从釋文及石經作耄後同按經典通作旄
周禮再赦曰老旄禮記旄期稱道不亂者孟子反其旄
倪是也又作眊漢書武帝紀哀夫老眊孤寡寡獨平帝

紀及既悼之人師古曰既古耄字八十曰既是耄耄者旄旄本一字古通無能為也此二人者實弒寡君敢即

圖之陳人執之而請蒞于衛鄭元儀禮注蒞臨也下並

同九月衛人使右宰醜蒞殺州吁于濮服虔云右宰

醜衛大夫濮陳地史記集解石喑使其宰孺羊肩蒞殺石厚

于陳君子曰石喑純臣也惡州吁而厚與焉大義滅親其

是之謂乎 衛人逆公子晉于邢賈逵云邢周公之允

姬姓國同上冬十二月宣公即位書曰衛人立晉眾也

五年春公將如棠觀魚者釋文本亦作漁者臧僖漢書作釐

伯諫曰世本臧僖伯彊孝公之子孝公生僖伯彊彊生

哀伯達達生伯氏瓶瓶生文仲辰本疏及莊二凡物不

十八年疏

足以講大事其材不足以備器用則君不舉焉君將納民

於軌物者也**詁**廣雅軌道也高誘淮南王書注軌者法度

之名故講事以度軌量謂之軌取材以章物采謂之物

不軌不物謂之亂政亂政亟行所以敗也故春蒐釋文云本亦作

度音蒐齊語春以獲振旅亦作搜李善文選注蒐與搜古字通漢書多作搜**詁**爾雅春獵為蒐

夏獵為苗秋獵為獮冬獵為狩按蒐亦作搜鄭元禮記

注曰春獵為搜夏苗秋獮**詁**釋文曰獮說文作獮殺也

按今說文作獮秋田也从犬璽聲冬狩皆於農隙以講

事也三年而治兵入而振旅**詁**國語蒐于農隙韋昭注隙

間也辭綜西京賦注振整理也爾雅旅眾也杜並本此歸而

飲至以數軍實**詁**鄭氏云軍所以討獲曰實文選注昭文章

註服虔解此亦引司馬職文明是旌旗所建用秋辨旗

物之法本疏明貴賤辨等列註小爾雅列次也順少長習

威儀也鳥獸之肉不登於俎釋文之肉一本作其肉註服虔以上登

為升下登為成本疏廣雅俎几也皮革齒牙骨角毛羽不

登于器則公不射公當作君古之制也若夫山林川澤之實器

用之資阜隸之事官司之守非君所及也公曰吾將畧地

焉註說文畧經畧土地也遂往陳魚而觀之僖伯稱疾不

從書曰公矢魚于棠非禮也且言遠地也曲沃莊伯以

鄭人邢人伐翼註地理志河東郡聞喜故曲沃晉武公自

晉陽徙此趙國襄國故邢國又河東郡絳晉武公自曲

沃徙此郡國志河東郡絳邑有翼城杜並本此王使尹氏武

氏助之翼侯奔隨詩韋昭國語注隨晉邑杜本按山西圖

經隨城在今介休縣東夏葬衛桓公衛亂是以緩四

月鄭人侵衛牧詩按爾雅郊外謂之牧非邑名與下伐宋

入其郛同前年伐鄭圍其東門故鄭亦侵其牧地以報

之又衛地無名牧者若云朝歌之牧野則亦不可僅名

為牧明杜注非也以報東門之役衛人以燕師伐鄭詩

地理志東郡南燕本南燕國姑姓黃帝後杜本鄭祭足

原繁泄駕以三軍軍其前使曼伯與子元潛軍軍其後燕

人畏鄭三軍而不虞制人詩詩鄭箋虞度也六月鄭二公

子以制人敗燕師于北制君子曰不備不虞不可以師

曲沃叛王秋王命虢公伐曲沃而立哀侯于翼衛之亂

也邾人侵衛故衛師入邾 九月考仲子之宮將萬馬

初學記稱韓詩萬大舞 杜本 公問羽數於眾仲對曰天

子用八諸侯用六大夫四士二 **節** 服虔云天子八八諸侯

六八大夫四八士二 宋書及通志 服以用六為六八四十

八人大夫四為四八三十二士二為二八十六 本 按宋

傅隆之云若如杜注至士祇餘四人豈復成樂參詳以

服說為是夫舞所以節八音而行八風 **節** 賈逵云兌為

金為閭闔風也乾為石為不周風也坎為革為廣莫風

也艮為匏為融風也震為竹為明庶風也巽為木為清

明風也離為絲為景風也坤為土為涼風也 本疏四十九杜畧取

此 按賈依易緯通卦驗文相配服虔以為八卦之風乾

音石其風不周坎音革其風廣莫艮音匏其風融震音
竹其風明庶巽音木其風清明離音絲其風景坤音土
其風涼兌音金其風閭闔本疏故自八以下公從之於是
初獻六羽始用六佾也 宋人取邾田邾人告於鄭曰請
君釋感於宋敝邑爲道鄭人以王師會之伐宋入其郛詔
韋昭國語注郛郭也杜本此以報東門之役宋人使來告
命公聞其入郛也將救之間於使者曰師何及對曰未及
國公怒乃止辭使者曰君命寡人同恤社稷之難今問諸
使者曰師未及國非寡人之所敢知也 冬十二月辛巳
臧僖伯卒公曰叔父有感於寡人寡人弗敢忘葬之加一
等 宋人伐鄭圍長葛以報入郛之役也

六年春鄭人來渝平更成也。詔服虔云公為鄭所獲釋而

不結平於是更為約束以結之故曰渝平

本按經書渝

平傳曰更成今服注更為約束云云是服亦訓渝為更

與張揖同翼九宗正五頃父之子嘉父逆晉侯于隨納

諸鄂。詔世本居篇云唐叔虞居鄂宋忠曰晉地今在大夏

晉人謂之鄂侯。夏盟于艾始平于齊也。五月庚申鄭

伯侵陳大獲往歲鄭伯請成于陳陳侯不許五父諫曰親

仁善鄰國之寶也君其許鄭陳侯曰宋衛實難鄭何能為

遂不許君子曰善不可失惡不可長其陳桓公之謂乎長

惡不悛從自及也。詔韋昭國語注悛止也詩鄭箋從隨也

杜本此雖欲救之其將能乎商書曰惡之易也如火之燎

于原不可鄉邇說按莊十五年傳引商書亦有惡之易也

四字今盤庚無之其猶可撲滅周任有言曰為國家者

見惡如農夫之務去草焉芟夷蕪崇之說說文發以足踞

夷草春秋傳曰發夷蕪崇之按鄭司農周禮稻人注已

作芟夷蕪崇之與說文異詩毛傳除草曰芟廣雅曰夷

滅也蕪積也崇聚也杜本絕其本根勿使能殖說韋昭

國語注殖長也則善者信矣 秋宋人取長葛 冬京

師來告饑公為之請糴說廣雅糴買也於宋衛齊鄭禮也

鄭伯如周始朝桓王也王不禮焉周桓公言於王曰我

周之東遷晉鄭焉依善鄭以勸來者猶懼不醮說說文醮

草多兒按玉篇廣韻既已也盡也古醮既字通杜注醮

至也亦屬同義況不禮焉鄭不來矣

七年春滕侯卒不書名未同盟也凡諸侯同盟於是稱名

故薨則赴以名告終稱嗣也以繼好息民謂之禮經夏

城中丘書不時也齊侯使夷仲年來聘結艾之盟也

秋宋及鄭平七月庚申盟于宿公伐邾為宋討也初戎

朝于周發幣于公卿節鄭元禮記注幣帛也凡伯弗賓節

服注云戎以朝禮及公卿大夫發陳其幣凡伯以諸侯

為王卿士不修賓主之禮敬報于戎是以冬天王使凡

伯來聘還戎伐之于楚丘以歸儀禮疏冬王使凡伯來聘

還戎伐之于楚丘以歸陳及鄭平十二月陳五父如鄭

洫盟壬申及鄭伯盟歆如忘為服虔云如而也臨歆而忘

其盟載之辭言不精也

本疏

說文引作歆而忘泄伯曰五

父必不免不賴盟矣鄭良佐如陳泣盟辛巳及陳侯盟亦

知陳之將亂也

鄭公子忽在王所故陳侯請妻之鄭伯

許之乃成昏

鄭元儀禮昏禮目錄士娶妻之禮以昏為

期故以名焉

八年春齊侯將平宋衛有會期宋公以幣請於衛請先相

見衛侯許之故遇于犬丘

鄭伯請釋泰山之祀而祀周

公以泰山之祊易許田三月鄭伯使宛來歸祊

公羊祊皆作那下同

不祀泰山也

夏虢公忌父始作卿士于周

四月甲辰

鄭公子忽如陳逆婦媯辛亥以媯氏歸甲寅入于鄭陳鍼

子送女先配而後祖國賈逵云以配為成夫婦也禮齊而

未配三月廟見然後配

本

鄭眾以配爲同牢食也先食

而後祭祖無敬神之心故曰誣其祖也

上同

鄭康成以祖

爲祫道之祭也先爲配匹而後祖道言未去而行配

上同

賈服之義大夫以上無問舅姑在否皆三月見祖廟之

後乃始成昏故譏鄭公子忽先爲配匹乃見祖廟

禮記疏

鍼子曰是不爲夫婦誣其祖矣非禮也何以能育 齊人

卒平宋衛于鄭秋會于温盟于瓦屋以釋東門之役禮也

八月丙戌鄭伯以齊人朝王禮也 公及莒人盟于浮

來以成紀好也 冬齊侯使來告成三國公使眾仲對曰

君釋三國之圖以鳩其民爾雅鳩聚也君之惠也寡君

聞命矣敢不承受君之明德 無駭卒羽父請諡與族公

問族於眾仲眾仲對曰天子建德因生以賜姓詔王充論

衡因其所生賜之姓也若夏吞薏苡而生則姓苡氏商

吞燕子而生則姓子氏周履大人跡則姓姬氏胙之士

詔辭綜東京賦注胙報也杜本而命之氏諸侯以字爲

諡服虔云公之母弟則以長幼爲氏貴適統伯仲叔季

是也庶公子則以配字爲氏尊公族展氏臧氏是也本疏

鄭康成駁許慎五經異義引此傳文諸侯以字爲氏惠

棟云今此以氏作諡者傳寫誤也杜考之不詳乃妄斷

其句而強解之按據服注及五經駁義則諡爲氏字之

誤甚明第承譌已久未敢更定今不以字字絕句而以

諡字爲句讀者詳之因以爲族官有世功則有官族邑

亦如之節服虔止謂異姓又引宋司成韓魏為證本公命以字為展氏

九年春王三月癸酉大雨霖以震書始也庚辰大雨雪亦如之書時失也凡雨自三日以往為霖鄭元禮記注作三日以上節爾

雅久雨謂之淫淫雨謂之霖平地尺為大雪 夏城耶

書不時也 宋公不王鄭伯為王左卿士以王命討之伐

宋宋以入郟之役怨公不告命公怒絕宋使 秋鄭人以

王命來告伐宋 冬公會齊侯于防謀伐宋也 北戎侵

鄭鄭伯禦之患戎師曰彼徒我車懼其侵軼我也節高誘

淮南王書注自後過前曰軼公子突曰使勇而無剛者

嘗寇節鄭元禮記注嘗猶試也杜本而速去之君為三覆

以待之戎輕而不整鄭元禮記注整正列也貪而無親

勝不相讓敗不相救先者見獲必務進服虔云先者見

獲言必不往相救各自務進言其貪利也本疏進而遇覆

必速奔後者不救則無繼矣乃可以逞方言逞解也廣

雅呈解也呈與逞通杜本此從之戎人之前遇覆者奔祝

明逐之諸本作聘今从釋文石經訂正衷戎師韋昭國語注衷中也按

謂貫其中也前後擊之盡殪說文殪歿也杜本此戎師

大奔十一月甲寅鄭人大敗戎師

十年春王正月公會齊侯鄭伯于中丘癸丑盟于鄧為師

期 夏五月羽父先會齊侯鄭伯伐宋 六月戊申公會

齊侯鄭伯于老桃壬戌公敗宋師于菅庚午鄭師入郟辛

未歸于我庚辰鄭師入防辛巳歸于我君子謂鄭莊公於

是乎可謂正矣以王命討不庭爾雅庭直也按謂諸侯

之不直者杜注殊屬曲說韋昭周語注即云庭直也不

直謂不道也不貪其土以勞王爵爾雅勞動也杜本

正之體也 蔡人衛人邾人不會王命 秋七月庚寅鄭

師入郊猶在郊宋人衛人入鄭蔡人從之伐戴公穀皆作

伐戴音再八月壬戌鄭伯圍戴癸亥克之取三師焉宋衛既入

鄭而以伐戴召蔡人蔡人怒故不和而敗 九月戊寅鄭

伯入宋 冬齊人鄭人入邾討違王命也

十一年春滕侯辭侯來朝爭長服虔云爭長先登授玉

儀禮疏 辭侯曰我先封滕侯曰我周之卜正也辭庶姓也

我不可以後之公使羽父請於辭侯曰君與滕君辱在寡

人周諺有之曰**詒**鄭元禮記注諺俗語也釋文本此山有

木工則度之**詒**爾雅木謂之度亦作劇廣雅云劇分也按

郭璞引此傳文即云山有木工則劇之賓有禮主則擇

之周之宗盟**詒**賈逵以宗為尊本疏服虔以宗盟為同宗之

盟上同孫毓以為宗伯屬官掌作盟詛之載辭故曰宗盟

上同異姓為後寡人若朝于辭不敢與諸任齒**詒**世本姓

氏篇任姓謝章薛呂舒祝終泉畢過此十國皆任姓高

誘呂覽注齒列也杜本此君若辱貶寡人**詒**詩毛傳貶賜

也則願以滕君為請辭侯許之乃長滕侯 夏公會鄭

伯于邾**詒**水經注引此傳邾作釐京相璠曰今滎陽縣東

四十里有故釐城也

杜本此

按唐石經初刻作于時邾後

刊去時字謀伐許也鄭伯將伐許五月甲辰授兵于大

宮公孫閱與潁考叔爭車潁考叔挾軻以走服虔云考

叔挾車轅箠馬而走

本疏

鄭元儀禮注軻輶也

杜本此

子都

拔棘以逐之

詩鄭箋棘戟也

杜本此

及大達

爾雅九達

謂之達

按杜注道方九軌蓋本考工記然以軌訓達殊

誤下桓十四年傳等並同弗及子都怒 秋七月公會

齊侯鄭伯伐許庚辰傅于許晉灼漢書注傳著也潁考

叔取鄭伯之旗螯弧以先登子都自下射之顛詩毛傳

顛仆也瑕叔盈又以螯弧登周麾而呼曰詩鄭箋周

徧也王逸楚辭章句舉手曰麾

杜本此

君登矣鄭師畢登

壬午遂入許許莊公奔衛齊侯以許讓公公曰君謂許不
其故從君討之許既伏其罪矣雖君有命寡人弗敢與聞
乃與鄭人鄭伯使許大夫百里奉許叔以居許東偏曰天
禍許國鬼神實不逞于許君而假手于我寡人寡人惟是
一二父兄不能其億鄭元周禮注其猶給也韋昭國語

注億安也

杜本此

其敢以許自爲功乎寡人有弟不能和

協爾雅協和也而使餽其口於四方爾雅說文餽寄食也

方言寄食爲餽廣雅餽寄也其況能久有許乎吾子其

奉許叔以撫柔此民也吾將使獲也佐吾子若寡人得沒

于地天其以禮悔禍于許無寧茲許公復奉其社稷惟我

鄭國之有請謁焉爾雅謁告也

杜本此

如舊昏媾爾雅

婦之父曰昏賈達國語注重昏曰媾

一切經音義杜本此

其能降

以相從也無滋他族實偏處此以與我鄭國爭此土也吾

子孫其覆亡之不暇而況能禮祀許乎爾雅禮祀也孫

炎曰禮絜敬之祭

杜注畧同

寡人之使吾子處此不惟許國

之為亦聊以固吾圉也爾雅圍垂也舍人曰圍拒邊垂

也杜本此

乃使公孫獲處許西偏曰凡而器用財賄無實

於許我處乃亟去之吾先君新邑於此爾雅地理志河南郡

新鄭詩鄭國桓公之子武公所國應劭曰國語云鄭桓

公為周司徒王室將亂寄孥與賄于虢會之間幽王敗

桓公處之其子武公與平王東遷洛邑遂伐虢會弁其

地而邑于此

杜本此

王室而既畢矣周之子孫日失其序

夫許大岳之允也爾雅允繼也舍人曰允繼世也杜本此

天而既厭周德矣吾其能與許爭乎君子謂鄭莊公於是

乎有禮禮經國家定社稷序民人利後嗣者也許無刑爾

詩毛傳刑法也杜本此而伐之服而舍之度德而處之量

力而行之相時而動無累後人可謂知禮矣 鄭伯使卒

出殺爾司馬法百人為卒說文殺牲豕也廣雅殺豕也行

出犬雞以詛射穎考叔者爾韋昭國語注行行列也鄭元

周禮注詛謂祝之使沮敗也君子謂鄭莊公失政刑矣

政以治民刑以正邪既無德政又無威刑是以及邪邪而

詛之將何益矣 王取鄔爾地理志河南郡緱氏劉聚

周大夫劉子邑郡國志河南尹緱氏有鄔聚杜本此為爾

吾友邵學士晉涵云周大夫有蔦國蓋食邑于蔦邾石經

作邾誤 **邾**說文邾周武王子所封在河內野王是也从邑于

聲又讀若區郡國志河內郡野王有邾城水經注邾城

故邾國也之田于鄭而與鄭人蘇忿生之田温原邾地

理志河內郡温故國已姓蘇忿生所封也杜本郡國志

河內郡軹有原鄉杜同 **緝**說文作邾地理志河內郡

波孟康曰今有緝城郡國志同杜本 **樊**郡國志河內

郡修武有陽樊攢茅田服虔云樊仲山之所居故名陽

樊杜取此 按圖經引舊說文云仲山甫所封之樊在今南

陽疑在修武者仲山甫所居在南陽者則其封國也隰

邾郡國志河內郡懷有隰城杜同 按僖廿五年傳作隰

城劉昭引此傳亦作城攢茅向

石經本作橫誤

韻京相璠曰或

云今河內軹西有城名向上闕駟十三州志曰軹縣南

山西曲有故向城即周向國也

水經注杜注同此

盟韻書禹貢

導河又東至于孟津盟孟古字通盟即孟津也

杜本此 校

唐武德四年于孟津置盟州以此州韻地理志河內郡

州酈道元云周以賜鄭昭公按昭當作莊

杜本此

陘韻校

元和郡縣志太行陘在河內縣西北三十里連山中斷

曰陘述征記曰太行山首始于河內自河內北至幽州

凡有八陘第一曰軹關陘第二曰太行陘第三曰白陘

今攷此上三陘皆在河內左近疑此傳之陘即指太行

陘等而言然未敢以為是姑附記于此或又以密縣陘

山當之今攷密在河以南非是隕國京相璠曰河內修

武縣北有故隕城實中水經郡國志河內郡修武縣有

隕城杜同懷國地理志河內郡懷杜本君子是以知桓

王之失鄭也怒而行之德之則也禮之經也已弗能有而

以與人人之不至不亦宜乎 鄭息有違言國世本息國

姬姓說文鄭姬姓之國在淮北今汝南新鄭地理志汝

南郡新息孟康曰故息國其後徙東故加新焉杜本息

侯伐鄭鄭伯與戰于竟息師大敗而還君子是以知息之

將亡也不度德不量力不親親不徵辭不察有罪犯五不

驩國倉頡篇釋及廣雅驩是也杜本而以伐人其喪師也

不亦宜乎 冬十月鄭伯以虢師伐宋壬戌大敗宋師以

報其人鄭也宋不告命故不書凡諸侯有命告則書不然則否師出滅否亦如之雖及滅國滅不告敗勝不告克不書于策 羽父請殺桓公將以求太宰公曰為其少故也

吾將授之矣使營菟裘公羊傳作塗裘吾將老焉國服虔云菟裘

魯邑也營菟裘以作宮室欲居之以終老也史記郡國

志泰山郡梁父有菟裘聚杜同羽父懼反譖公于桓公

而請弑之公之為公子也與鄭人戰于狐壤止焉鄭人囚

諸尹氏賂尹氏詩毛傳賂遺也而禱于其主鍾巫國鄭

元周禮注求福曰禱賈逵云鍾巫祭名也史記集解遂與尹

氏歸而立其主十一月公祭鍾巫齊于社圃館于為氏國

服虔云館舍也為氏魯大夫同上杜取此壬辰羽父使賊弑

公子爲氏立桓公而討爲氏有死者不書葬不成喪也

賈穎云君弑不書葬賊不討也

釋例

桓公元年春公即位修好于鄭鄭人請復祀周公卒易祊

田公許之三月鄭伯以璧假許田爲周公祊故也 夏四

月丁未公及鄭伯盟于越結祊成也盟曰渝盟無享國

秋大水凡平原出水爲大水爾雅廣平曰原 杜本此 冬鄭

伯拜盟 宋華父督爾世本華父督宋戴公之孫好父說

之子 本疏 服虔云督戴公之孫 史記集解 見孔父之妻爾鄭元

儀禮注作孔甫云甫字或作父又士相見禮注今文父

爲甫于路目逆而送之曰美而豔爾詩毛傳色美曰豔

杜本此

二年春宋督攻孔氏殺孔父而取其妻公怒督懼遂弑
公君子以督爲有無君之心而後動於惡故先書弑其君
會于稷以成宋亂爲賂故立華氏也宋殤公立十年十一
戰討服虔云與夷隱四年卽位一戰伐鄭圍其東門再戰
取其禾皆在隱四年三戰取邾田四戰邾鄭入其郛五
戰伐鄭圍長葛皆在隱五年六戰鄭伯以王命伐宋在
隱九年七戰公敗宋師于菅八戰宋衛入鄭九戰宋人
蔡人衛人伐戴十戰戊寅鄭伯入宋皆在隱十年十一
戰鄭伯以虢師大敗宋師在隱十一年本疏又史記宋世家集解作賈
達注民不堪命孔父嘉爲司馬督爲大宰故因民之不
堪命先宣言曰司馬則然已殺孔父而弑殤公召莊公于

鄭而立之以親鄭以郛大鼎賂公國郡國志濟陰郡成武

有郛城杜同齊陳鄭皆有賂故遂相宋公夏四月取

郛大鼎于宋戊申納于太廟非禮也臧哀伯諫曰君人者

將昭德塞違國高誘呂覽注塞遏也以臨照百官猶懼或

失之故昭令德以示子孫是以清廟茅屋國賈逵云肅然

清靜謂之清廟詩疏杜取此大路越席國服虔云大路祀天

車也越席結括草以為席也史記集解按家語即作越席又云大路

總名也如今駕駟高車矣尊卑俱乘之其采色有差續漢

書又云大路木路本疏王肅云不緣也史記杜注取服說

大羹不致淮南王書作大羹不和粢食不鑿國釋文云字林作穀子

沃反云糲米一斛舂為八斗玉篇穀許委切米一斛舂

爲八斗也鑿子各切左氏傳云柔食不鑿鑿精也一斛
春爲九斗也按淮南王書作柔食不穀高誘注穀細也
鑿爲穀古字假借昭其儉也裘冕黻珽鄭司農周禮
注裘卷龍衣也釋名畫卷龍于衣也杜注畫衣本此書
孔傳冕冠也正義黻或作黻或作黻音義同白虎通黻
蔽膝也廣雅珽笏也皆杜注所本帶裳幅玉藻革
帶博二寸白虎通云男子有鞶帶者示有金革之事詩
毛傳在下曰裳所以配衣也鄭箋幅斜幅如今行膝也
釋名複其下曰烏衡統紘鄭司農周禮注衡維持
冠者字林統冠之垂者詩毛傳紘纓之無綫者從下仰
屬于冠纒冕上覆也杜本按張衡東京賦衡作珩李善

注引此傳亦同思元賦注云珩與衡音義同也昭其度

也藻率鞞鞞音服度以藻為畫藻率為刷巾本鄭元禮記

注藻所以藉玉詩毛傳下曰鞞上曰琫按琫與鞞音義

同杜注鞞鞞正與毛傳上下相反疑誤又按東京賦作

藻粹李善注同傳遜云按禮經率帶諸侯大夫皆五采

士二采率與粹同鞞厲游纓音服度云鞞大帶厲是大

帶之垂者禮疏按詩毛傳厲帶之垂者游又云纓如索

韉今乘輿大駕有之本疏按疏云賈服等說鞞厲皆與杜

同是杜取賈服說昭其數也火龍黼黻音鄭司農考工

記注火謂圓形似火也鄭元云龍水物畫水者并畫龍

考工記白與黑謂之黼黑與青謂之黻書孔傳黼若斧

形敝謂兩已相背本此昭其文也五色比象昭其物也

錫鸞和鈴服虔云鸞在鑣和在衡史記集解鄭元周禮注錫

馬面當盧詩毛傳鈴在旂杜取服說又本此昭其聲也三辰旂

旗服虔云三辰日月星也杜取此謂之辰者辰時也日以

昭晝月以昭夜星則運行于天民得取其時節故謂之

辰也詩疏服氏注云九旂之總名儀禮注昭其明也夫德儉

而有度登降有數文物以紀之聲明以發之以臨照諸本誤作

照臨今訂正百官百官於是乎戒懼而不敢易紀律今滅德立

違而寘其賂器於大廟以明示百官百官象之其又何誅

焉國家之敗由官邪也官之失德寵賂章也郤鼎在廟章

孰甚焉武王克商遷九鼎于洛邑服虔云今河南有鼎

中觀書疏釋文云雒音洛本亦作洛書孔傳引此作洛按

地理志河南郡有雒陽師古引魚豢曰漢火行忌水故

去洛水而加佳如魚氏說則光武以後始改爲雒邑今

諸刊本並皆作雒此從孔傳及宋本改正下並同義士

猶或非之而況將昭違亂之賂器於大廟其若之何公不

聽周內史聞之曰臧孫達其有後於魯乎君違不忘諫之

以德 秋七月杞侯來朝不敬杞侯歸乃謀伐之 蔡侯

鄭伯會于鄧始懼楚也國地理志南郡江陵故楚郢都楚

王自丹陽徙此杜本九月入杞討不敬也 公及戎盟

于唐修舊好也 冬公至自唐告于廟也凡公行告于宗

廟反行飲至舍爵國高誘呂覽注爵飲爵策勳焉禮也特

相會往來稱地讓事也自參以上則往稱地來稱會成事也
初晉穆侯之夫人姜氏以條之役生大子命之曰仇

詒高誘呂覽注暗國名也音晉今為晉字之誤也此說

未詳然古人或有依據附此存攷廣雅命名也按說文

名自命也其弟以千畝之戰生**詒**郡國志太原郡界休

有千畝聚杜同命之曰成師漢書志二命字皆作名師服曰**詒**賈

逵云晉大夫史記集解杜取此異哉君之名子也**詒**按史記名

作命名與命古字通夫名以制義義以出禮禮以體政

政以正民是以政成而民聽易則生亂嘉耦曰如怨耦曰

仇古之命也**詒**按說文引虞書云怨匹曰仇然則此二語

古書之辭故杜注亦以為自古有此言陳樹華云禮記

緇衣引詩云君子好仇鄭氏注云仇匹也詩國風君子好逑鄭氏箋云怨耦曰仇陸氏音義云逑音仇本又作仇是仇與逑通但此言怨耦則義自不同今君命大子曰仇弟曰成師始兆亂矣兄其替乎詒詩毛傳替廢也釋文本此惠士奇曰三體石經作替按替乃隸省依說文當作替今从石經定作替惠之二十四年詒石經凡經傳文二十皆作廿字三十皆作卅惟四十仍作四十晉始亂故封桓叔于曲沃靖侯詒證法柔德安眾曰靖又恭己鮮言曰靖又寬樂令終曰靖之孫欒賓傳之師服曰吾聞國家之立也本大而末小是以能固故天子建國諸侯立家卿置側室大夫有貳宗士有隸子弟詒服虔云士

卑自以其子弟為僕隸祿不足以及宗是其有隸子弟

也儀禮疏杜取此庶人工商各有分親皆有等衰是以民服事

其上而下無覬覦覬說文覦欲也服虔覬作窺云窺謂舉

足而視也一切經音義吾友王給事念孫曰漢書武五子傳

廣陵王胥見上年少無子有覬欲心即覬覦也今晉甸

侯也而建國本既弱矣其能久乎惠之三十年晉潘父弑

昭侯而納桓叔諡法容儀恭美曰昭又昭德有勞曰昭

又聖聞周達曰昭不克晉人立孝侯諡法五宗安之

曰孝又慈惠愛親曰孝又秉德不回曰孝又協時肇厚

曰孝惠之四十五年曲沃莊伯伐翼弑孝侯翼人立其

弟鄂侯鄂侯生哀侯哀侯侵陘庭之田庭史記作廷賈逵云

翼南鄙邑名史記集解 陘庭南鄙啓曲沃伐翼

三年春曲沃武公伐翼次于陘庭韓萬御戎梁宏爲右

世本武公莊伯子韓萬莊伯弟本服虔云韓萬晉大夫

曲沃桓叔之子莊伯之弟晉大夫以韓爲氏詩疏史記集解作賈

注說同 逐翼侯于汾隰水經汾水出太原汾陽縣北

杜取此 管涔山東南過晉陽縣爾雅下濕曰隰杜本 驂絰而止

詁鄭元儀禮注駢馬曰驂廣雅絰縣也杜本 夜獲之及

樂共叔 會于羸成昏于齊也 夏齊侯衛侯胥命于蒲

不盟也 公會杞侯于郕杞求成也 秋公子翬如齊逆

女修先君之好故曰公子齊侯送姜氏釋文本或作送

姜氏于謹水經注引傳文又作齊侯送姜氏于下謹非

禮也凡公女嫁于敵國姊妹則上卿送之以禮於先君公
子則下卿送之於大國雖公子亦上卿送之於天子則諸
卿皆行公不自送於小國則上大夫送之 冬齊仲年來
聘致夫人也 芮伯萬之母芮姜惡芮伯之多寵人也故
逐之出居于魏地理志在馮翊臨晉芮鄉故芮國河東

郡河北詩魏國世本芮魏皆姬姓

本疏杜本此

四年春正月公狩于郎書時禮也 夏周宰渠伯糾來聘
父在故名 秋秦師侵芮敗焉小之也 冬王師秦師圍
魏執芮伯以歸汲郡古文云取芮伯萬而東之
五年春正月甲戌己丑陳侯鮑卒再赴也於是陳亂文公
子佗殺大子免而代之公疾病鄭元論語注病謂疾困

也本疏按白虎通巡狩篇傳曰甲戌之日亡己丑之日死

而得有狂易之病蜚亡而死由不絕也據此則鮑之病

蓋狂易甲戌日已亡尙未絕己丑日始盡死耳而亂作

國人分散故再赴 夏齊侯鄭伯朝于紀欲以襲之紀人

知之 王奪鄭伯政鄭伯不朝 秋王以諸侯伐鄭鄭伯

禦之王為中軍虢公林父將右軍蔡人衛人屬焉周公黑

肩將左軍圖賈逵云黑肩莊王弟子儀也史記周本紀集解 陳人

屬焉鄭子元請為左拒以當蔡人衛人為右拒以當陳人

曰陳亂民莫有鬪心若先犯之必奔王卒顧之必亂蔡衛

不枝圖高誘戰國策注支猶拒也支枝字同韋昭國語注

枝拄也固將先奔既而萃于王卒可以集事從之圖易

豕下傳萃聚也詩鄭箋集猶成也杜本曼伯為右拒祭

仲足為左拒原繁高渠彌史記作高渠咻以中軍奉公為魚麗之

陳先偏後伍謂司馬法車戰二十五乘為偏周禮司馬五

人為伍杜本伍承彌縫謂廣雅釋詁縫合也戰于繡葛

命二拒曰旂動而鼓謂賈逵以旂為發石一曰飛石范蠡

兵法云飛石重二十斤為機發行二百步本說文旂建

大木置石其上發以機以砲敵釋文云旂說文作檜按

今刻本說文仍作旂又按三國志太祖為發石車擊袁

紹注引魏氏春秋曰以古有矢石又傳言旂動而鼓說

曰旂發石也于是造發石車惠棟云說者即賈侍中說

也杜以旂為旂蓋本馬融今按新唐書李密傳造雲旂

三百具以機發石為攻城具號將軍礮益可證賈氏之

說杜注雖本馬融然究不若賈說之信而有徵也蔡衛

陳皆奔王卒亂鄭師合以攻之王卒大敗祝聃射王中肩

史記作祝聃射王中臂

王亦能軍祝聃請從之公曰君子不欲多上

人况敢陵天子乎

今本作凌非是

苟自救也社稷無隕冬

矣夜鄭伯使祭足勞王且問左右仍叔之子弱也秋

大雩書不時也凡祀啓蟄而郊音服虔注左傳曰一說郊

祀天祈農事雩祭山川而祈雨也

續漢書注

服虔注魯祭天

以孟月祭宗廟以仲月

釋例

龍見而雩音服虔云龍角亢

也謂四月昏龍星體見萬物始盛待雨而大故雩祭以

求雨也

續漢書注

穎氏以為龍見五月

釋例

始殺而嘗音賈服

始殺惟據孟春不通建酉之月本疏按杜注亦從賈服以

雩為遠閉蟄而烝過則書 冬涓于公如曹度其國危

遂不復國地理志北海郡涓于應劭曰春秋州公如曹左

氏傳曰涓于公如曹臣瓚曰州國名也涓于公國之所

都杜注同

六年春自曹來朝書曰實來不復其國也 楚武王侵隨

國賈逵云隨姬姓史記集解世本同地理志南陽郡隨故國

杜本使蕞章求成焉國王符潛夫論蠢冒生蕞章者王

子無鈞也令尹孫叔敖者蕞章之孫也蕞與蕞同按見

僖二十七年傳注軍於瑕以待之隨人使少師董成國

爾雅董正也杜本鬬伯比言於楚子曰吾不得志于漢

東也我則使然我張吾三軍而被吾甲兵詩毛傳張大

也此杜本以武臨之彼則懼而協以謀我故難間也漢東

之國隨為大隨張必弃小國小國離楚之利也少師侈請

羸師以張之韋昭國語注羸弱也此杜本熊率且比曰季

梁水經注引作李良在何益鬪伯比曰以為後圖少師得其君王

毀軍而納少師少師歸請追楚師隨侯將許之季梁止之

曰天方授楚楚之羸其誘我也君何急焉臣聞小之能敵

大也小道大淫所謂道忠於民而信於神也上思利民忠

也祝史正辭信也今民餒而君逞欲餒當作餒祝史矯舉以祭

謂方言廣雅逞快也何休公羊傳詐稱曰矯此杜本臣不

知其可也公曰吾牲牲肥腍謂服虔曰牛羊曰肥豕曰腍

本書孔傳牛羊豕曰牲鄭司農周禮注牲純也孔取服

此黍盛豐備韻何休公羊傳黍稷曰黍在器曰盛惠士

奇曰禹廟殘碑作資盛說文作齋云稷也从禾齊聲或

作粢从次按石經宋本皆作黍鄭注周禮云盞讀爲黍

何則不信對曰夫民神之主也是以聖王先成民今本誤

正義引作先成而後致力於神故奉牲以告曰博碩肥膄於民多一於字

韻鄭元儀禮注博廣也詩毛傳碩大也杜本謂民力之

普存也詩正義引此謂下多其字按謂其畜之碩大蕃滋

也謂其不疾瘕蠡也韻釋文稱說文蠡作瘵按說文無瘵

字瘵字下注云小腫也从疒坐聲一曰族衆臣鉉等曰

今別作瘕蠡非是今攷玉篇瘕蠡皮膚病左傳曰不疾

痲蟲也一作癩按釋文所引說文疑屬玉篇之誤又按
 說文痲字注既云小腫而陸氏所引說文亦云皮肥是
 族奈不過皮毛肥腫之病故玉篇云然杜注以疥癬當
 之考說文疥搔也癬乾瘍也恐非其義謂其備脂咸有
 也奉盛以告曰絜粢豐盛謂其三時不害而民和年豐也
 奉酒醴以告曰嘉栗旨酒爾雅嘉善也何休公羊傳栗
 猶戰栗謹敬貌杜本此謂其上下皆有嘉德而無違心也
 所謂馨香無讒慝也故務其三時修其五教親其九族爾
 古尚書說九族者從高祖至元孫凡九按杜注九族雖
 用戴歐陽等說然諸侯絕旁親況下云致其禋祀則非
 施于他姓可知究當以孔鄭說為是以致其禋祀爾說

文謹敬也

杜本此

於是乎民和而神降之福

文選注引此而下有後字

故動則有成今民各有心而鬼神之主君雖獨豐其何福

之有君姑修政而親兄弟之國庶免於難隨侯懼而修政

楚不敢伐 夏會于成紀來諮謀齊難也 北戎伐齊齊

侯使乞師于鄭鄭太子忽帥師救齊六月大敗戎師獲其

二帥大良少良甲首三百以獻於齊於是諸侯之大夫戊

齊齊人饋之餼國論語集解引鄭注牲生日餼

杜本此 陳樹

華云說文氣字下引春秋傳云齊人來氣諸侯槩字下

云氣或从既餼字下云氣或从食餼之為氣槩之為既

皆古文也杜子春云字當為餼失之使魯為其班國鄭

元儀禮注班次也

杜本此

後鄭鄭忽以其有功也怒故有

郎之師公之未昏於齊也齊侯欲以文姜妻鄭大子忽大
 子忽辭人問其故大子曰人各有耦齊大非吾耦也詩云
 自求多福在我而已大國何為君子曰善自為謀及其敗
 戎師也齊侯又請妻之固辭人問其故大子曰無事於齊
 吾猶不敢今以君命奔齊之急而受室以歸是以師昏也
 民其謂我何遂辭諸鄭伯 秋大閱簡車馬也 九月丁
 卯子同生以大子生之禮舉之接以大牢接鄭注禮記作捷 國服
 虔云桓公之大子莊公同覽御 唐呂才陰陽雜書序以長
 歷檢之莊公生當乙亥之歲建申之月賈注云不稱大
 子者書始生禮疏 服虔云接者子初生接見于父覽御 卜士
 負之士妻食之公與文姜宗婦命之公問名於申繻國賈

達云申編魯大夫

史記集解
杜取此

對曰名有五有信有義有

象有假有類以名生為信論衡作生名下德命作德名

類命作類名以德命為義論衡服虔云謂若大王度德命

文王曰昌命武王曰發

本疏

以類命為象取於物為假取

於父為類不以國不以官不以山川論衡大戴禮及賈誼新

書胎教篇名無取于名山通谷不以隱疾不以畜牲論衡

鄭眾服虔皆以六畜為馬牛羊豕犬雞

本疏

不以器幣論衡

服虔以為俎豆鬯彘犧象之屬皆不可以為名也

本疏

人以諱事神名終將諱之

釋文以名
字絕句

淮南王書曰祝則

名君高誘注周人以諱事神敬之至也故以國則廢名

以官則廢職以山川則廢主以畜牲則廢祀以器幣則廢

禮晉以僖侯廢司徒宋以武公廢司空國服虔云武公名

司空廢司空為司城禮疏杜取此先君獻武廢二山國諡法

聰明睿知曰獻又知質有聖曰獻是以大物不可以命

公曰是其生也與吾同物國惠棟云物謂六物歲時日月

星辰是也與桓公同日故曰同物古稱六物唐稱六命

命之曰同冬紀侯來朝請王命以求成于齊公告不能

七年春穀伯鄧侯來朝名賤之也國服虔云穀鄧密邇于

楚不親仁善鄰以自固卒為楚所滅無同好之救桓又

有弑賢兄之惡故賤而名之本疏夏盟向求成于鄭既而

背之秋鄭人齊人衛人伐盟向王遷盟向之民于邾國

地理志河南郡河南故邾邾也玉篇邾洛陽北地杜本此

冬曲沃伯誘晉小子侯殺之

八年春滅翼 隨少師有寵楚鬪伯比曰可矣讐有覺鬪

韋昭國語注覺瑕也辭綜東京賦注覺隙也此杜本不可

失也夏楚子台諸侯于沈鹿黃隨不會使遠章讓黃鬪地

理志南郡弋陽縣應劭曰故黃國此杜本楚子伐隨軍于

漢淮之間季梁請下之弗許而後戰所以怒我而怠寇也

少師謂隨侯曰必速戰不然將失楚師隨侯禦之望楚師

季梁曰楚人上左君必左無與王遇且攻其右右無良焉

必敗偏敗眾乃攜矣少師曰不當王非敵也弗從戰于速

杞隨師敗績隨侯逸鬪章昭國語注逸奔也鬪丹獲其戎

車與其戎右少師秋隨及楚平楚子將不許鬪伯比曰天

去其疾矣隨未可克也乃盟而還 冬王命虢仲立晉哀侯之弟緡于晉 祭公來遂逆王后于紀禮也

九年春紀季姜歸于京師凡諸侯之女行惟王后書 巴

子使韓服告于楚 鬬地理志巴郡應劭曰左氏傳巴子使

韓服告楚此杜本請與鄧為好楚子使道朔將巴客以聘

於鄧鄧南鄙鄧人鬬說文鄧曼姓之國鄧鄧國地也春秋

傳曰鄧南鄙鄧人攻之按此即哀十八年巴人伐楚鬬

鄧之鄧杜注云楚邑蓋楚滅鄧之後鄧又為楚邑也郡

國志南陽郡有鄧聚晉書地理志襄陽郡鄧縣按縣蓋

晉置後省圖經襄陽縣北有鄧城攻而奪之幣殺道朔

及巴行人楚子使薳章讓于鄧鄧人弗受夏楚使鬬廉帥

師及巴師圍鄧鄧養甥耶甥帥師救鄧三逐巴師不克闕

廉衝陳其師於巴師之中國廣雅衡橫也杜本以戰而北

爾釋文云稽康北音背韋昭國語注軍敗奔走曰北北

古之背字也杜本鄧人逐之背巴師而夾攻之鄧師大

敗鄧人宵潰爾詩毛傳宵夜也杜本秋虢仲芮伯梁伯爾

地理志左馮翊夏陽故少梁杜本正義據僖十七年傳

知梁為嬴姓荀侯爾說文郇周武王子所封國在晉地

按應劭北征賦注引此作郇侯地理志注亦同郇荀古

字同賈伯爾劉昭引博物志臨汾有賈鄉賈伯邑伐曲

沃冬曹大子來朝賓之以上卿禮也爾服虔云大子桓

公子莊公射姑爾御又云曹伯有故使其大子攝而朝曲

禮曰諸侯之嫡子攝其君來誓于天子則以皮帛繼子男諸侯之上卿之禮也上卿出入三食三牢牽二牢一

享一食宴之也同上杜取此享曹大子初獻樂奏而歎服

度云初獻酒如獻爵樂奏人上堂也初獻爵樂奏大子

歎而哀樂也同上杜取此施父曰服度云施父魯大夫同上杜取此

曹大子其有憂乎非歎所也服度云古之為享食所

以觀威儀省禍福無喪而感憂必讐焉今大子臨樂而

嘆是父將死而兆先見也本疏

十年春曹桓公卒 虢仲譖其大夫詹父于王詹父有辭

以王師伐虢 夏虢公出奔虞地理志河東郡大陽吳

山在西上有吳城周武王封大伯後于此是為虞公為

晉所滅杜本

秋秦人納芮伯萬于芮

初虞叔有王虞

公求旃詩毛傳旃之也

杜本

弗獻既而悔之曰厲諺有

之李善文選注引作周任

匹夫無罪懷璧其罪吾焉用此其以買害

也爾雅賈市也乃獻之又求其實劍叔曰是無厭也無

厭將及我遂伐虞公故虞公出奔其池爾雅圖經共城在解

州平陸縣西四十里冬齊衛鄭來戰于郎我有辭也初

北戎病齊諸侯救之鄭公子忽有功焉齊人餽諸侯使魯

次之魯以周班後鄭鄭人怒請師于齊齊人以衛師助之

故不稱侵伐先書齊衛王爵也

十一年春齊衛鄭宋盟于惡曹爾雅服虔以為不書宋宋後

盟本疏楚屈瑕爾雅王逸楚辭章句楚武王生子瑕受屈為

客卿因以為氏將盟貳軫國名記貳偃姓在隨州南

楚滅之軫亦偃姓在楚東南亦楚所滅鄭人軍于蒲騷

國地理志江夏郡雲杜應劭曰左傳若敖取于邲今邲

亭是也邲釋文本亦作涓涓鄭音義並同按通典應城

縣有古蒲騷城今考安陸應城本春秋邲子之國邲人

蓋軍于已境也將與隨絞州蓼國春秋地圖洩在漢水

之北說文鄆地名从邑蓼聲釋文云蓼或作鄆鄭氏詩

箋亦引作鄆地理志南陽郡湖陽故廖國郡國志南陽

郡棘陽有湖陽邑杜同此圖經監利縣東三十里有州陵

城春秋時州國伐楚師莫敖患之漢書志鬬廉曰鄭人

軍其郊必不誠且曰漢泗邑之至也韻廣雅虞望也按言

日望四邑之至也較杜義為長君次于郊郢以禦四邑

我以銳師宵加于鄭鄭有虞心而恃其城莫有鬪志若敗

鄭師四邑必離莫敖曰盍請濟師於王國鄭元禮記注盍

何不也杜本此對曰師克在和不在眾商周之不敵君之

所聞也成軍以出又何濟焉莫敖曰卜之對曰卜以決疑

不疑何卜遂敗鄭師于蒲騷卒盟而還鄭昭公之敗北

戎也齊人將妻之昭公辭祭仲曰必取之君多內寵國服

皮云言庶子有寵者多史記集解子無大援將不立三公子

皆君也弗從夏鄭莊公卒初祭封人國郡國志陳畱郡

長垣古祭城杜同此仲足有寵於莊公莊公使為卿為公

娶鄧曼生昭公故祭仲立之宋雍氏女於鄭莊公曰雍姑

生厲公賈逵云雍氏黃帝之孫媯姓之後為宋大夫取

此雍氏宗有寵於宋莊公服虔云為宋正卿故曰有

寵上校春秋之世宋未嘗以異姓為正卿不知服何據

故誘祭仲而執之曰不立突將死亦執厲公而求賂焉祭

仲與宋人盟以厲公歸而立之 秋九月丁亥昭公奔衛

己亥厲公立

十二年夏盟于曲池平杞莒也 公欲平宋鄭秋公及宋

公盟于句瀆之丘宋成未可知也故又會于虛冬又會于

龜宋公辭平故與鄭伯盟于武父遂帥師而伐宋戰焉宋

無信也君子曰苟信不繼盟無益也詩云君子婁盟諸本

今從釋亂是用長無信也 楚伐絞軍其南門莫敖屈瑕

之改正

曰絞小而輕輕則寡謀請無扞采樵者以誘之高誘戰

國策注捍禦也廣雅樵薪也此杜本從之絞人獲三十人

明日絞人爭出驅楚役徒于山中楚人坐其北門廣雅

坐止也惠棟云按兵法有立陳坐陳見尉繚子立陳所

以行也坐陳所以止也傳曰裹糧坐甲又云王使甲坐

于道又云士皆坐列司馬法云徒以坐固荀子曰庶士

介而坐道及此傳坐其北門皆坐陳也按此則坐字當

從廣雅訓為止杜注坐猶守也于訓詁為不合矣而覆

諸山下大敗之為城下之盟而還伐絞之役楚師分涉於

彭詁水經漢水過筑陽縣東筠水出自房陵縣東過其縣

南流注之按道元云杜預謂之彭水今攷楚附庸臨彭

水當卽絞羅人欲伐之韻地理志南郡枝江故羅國世

本羅熊姓杜本此使伯嘉謀之三巡數之韻韋昭國語注

謀候也鄭氏周禮注巡徧也杜本此

十三年春楚屈瑕伐羅鬪伯比送之還謂其御曰漢志御作馭

莫敖必敗舉趾高韻按漢書五行志引傳趾作止高誘呂

覽注止足也鄭注士昏禮古文止作趾易虞翻注亦云

趾足也杜本此心不固矣遂見楚子曰必濟師楚子辭焉

入告夫人鄧曼鄧曼曰大夫其非眾之謂其謂君撫小民

以信韻說文撫安也廣雅同訓諸司以德而威莫敖以刑

也莫敖狃於蒲騷之役韻說文狃犬性驕也玉篇狃狎習

也按杜訓狃為怙本小爾將自用也必小羅君若不鎮

撫師廣雅鎮安也其不設備乎夫固謂君訓眾而好鎮撫

之師服虔云夫謂鬪伯比本疏襄二十三年召諸司而勸之以令

德見莫敖而告諸天之不假易也不然夫豈不知楚師之

盡行也楚子使賴人追之師地理志南陽郡隨有厲鄉故

厲國杜本此師古曰厲讀曰賴郡國志汝南郡褒信有賴

亭故國按此賴國所在當以地理志為是不及莫敖使

徇于師曰師說文徇行示也从彳勻聲司馬法斬以徇廣

雅徇巡也杜注徇宣令也義亦本此玉篇徇同徇諫者

有刑及鄢亂次以濟淇水師釋文本或作亂次以濟其水

按水經注引傳作亂次以濟淇水攷泝水與夷水亂流

東出謂之淇水泝淇同後逕蠻城南城在宜城南三十

里村預釋例羅在宜城縣西山中後在南郡枝江縣自楚及羅須渡此水杜本因脫淇水二字故注析不清釋文其字又誤脫水旁今从酈注及釋文增入二字又按杜注以此傳之鄢爲水名亦誤攷鄢楚縣名昭十三年王沿夏將欲入鄢服虔云鄢別都也此傳文鄢字亦指楚縣而言不指鄢水杜注及正義皆誤遂無次且不設備及羅羅與盧戎兩軍之節釋文盧或作廬廬古字同按文十六年楚使盧侵庸書牧誓微盧彭濮人皆卽指此史記作縑亦通括地志金州有石盧國大敗之莫敖縑于荒谷羣帥囚于冶父節水經注沔水下白湖等三湖合爲一水東通沔谷東岸有冶父城按皆當在今江陵

又按說文荒谷字當作兗釋文亦云本或作兗荒後傳
寫誤耳以聽刑楚子曰孤之罪也皆免之 宋多責賂
於鄭鄭不堪命故以紀魯及齊與宋衛燕戰不書所戰後
也註服虔云不日者公至而後定戰日地之與日當同時
設期公既不及期地安得及期日也本疏杜亦取此鄭人來請
修好

十四年春會于曹曹人致餼禮也 夏鄭子人來尋盟且
修曹之會 秋八月壬申御廩災乙亥嘗書不害也 冬
宋人以諸侯伐鄭報宋之戰也焚渠門入及大逵伐東郊
取牛首註水經注沙水又東南逕牛首亭東左傳伐東郊
取牛首者也俗謂之車牛城矣按道元當本舊說以大

宮之椽歸為盧門之椽韻說文周謂之椽齊魯謂之桷

十五年春天王使家父來求車非禮也諸侯不貢車服天

子不私求財 祭仲專鄭伯患之使其壻雍糾殺之韻賈

達云雍糾鄭大夫史記集解爾雅女子之夫為壻將享諸郊

雍姬知之謂其母曰父與夫孰親其母曰人盡夫也父一

而已胡可比也遂告祭仲曰雍氏舍其室而將享子於郊

吾惑之以告祭仲殺雍糾尸諸周氏之汪韻服虔通俗文

亭水曰汪一切經音義按高誘淮南王書注作矢謂周氏之

汪今攷尸矢皆陳也義並通公載以出曰謀及婦人宜

其死也夏厲公出奔蔡 六月乙亥昭公入 許叔入于

許 公會齊侯于艾謀定許也 秋鄭伯因櫟人殺檀伯

史記作單伯

詒服虔云鄭守櫟大夫

水經注

又云櫟鄭之大都

同上

又史記集解杜取此

而遂居櫟

冬會于袤謀伐鄭將納厲公也

弗克而還

十六年春正月會于曹謀伐鄭也 夏伐鄭秋七月公至

自伐鄭以飲至之禮也 冬城向書時也 初衛宣公烝

於夷姜生急子

史記漢書人表並作後釋文云急詩作伋

詒服虔云上淫曰烝

詩疏杜取此

屬諸右公子為之娶於齊而美公取之生壽及

朔屬壽于左公子夷姜縊**詒**說文縊經也春秋傳曰夷姜

縊宣姜與公子朔構急子**詒**服虔云構會其過惡

詩疏杜取

此公使諸齊使盜待諸莘將殺之**詒**服虔云莘衛東地

同上京相璠曰今平原陽平縣北十里有故莘亭阨限蹊

要自衛適齊之道也水經注郡國志陽平侯國有莘亭杜同

此壽子告之使行不可曰棄父之命惡用子矣國高誘

呂覽注惡安也杜本有無父之國則可也及行飲以酒

壽子載其旌以先盜殺之急子至曰我之求也此何罪請

殺我乎又殺之二公子故怨惠公十一月左公子泄諸本作洩

今从古今人表改正右公子職立公子黔牟惠公奔齊

十七年春盟于黃平齊紀且謀衛故也及邾儀父盟于

趙尋蔑之盟也夏及齊師戰于奚疆事也於是齊人侵

魯疆疆吏來告公曰疆場之事說文疆界也从畺三其

界畫也或从疆土惠棟曰古文作疆易周禮有疆地易

地楊統碑云疆易不爭張公神道碑云疆界家靜呂君

碑云慎守曷易蓋用此文慎守其一而備其不虞姑盡
所備焉事至而戰又何謁焉 蔡桓侯卒蔡人召蔡季于
陳 秋蔡季自陳歸于蔡蔡人嘉之也 伐邾宋志也
冬十月朔日有食之不書日官失之也天子有日官諸侯
有日御日御服虔云日官日御典歷數者也周禮疏杜取此日官居
卿日御服虔云是居卿者卿居其官以主之重歷數也本以
底日日御顧炎武云五經無底字皆是底字惟左傳襄二十
九年處而不底昭元年勿使有壅閉湫底乃章禮反耳
今說文本底字下有一畫誤也字當从氏按底與抵古
字通廣雅釋詁抵推也此抵日猶言推日耳杜注平也
似未諦禮也日御不失日以授百官于朝 初鄭伯將

以高渠彌為卿昭公惡之固諫不聽昭公立懼其殺已也

辛卯弑昭公而立公子亶韓非子作子亶君子謂昭公知所惡矣

公子達曰韓非子作公子圍高伯其為戮乎復惡已甚矣韓非子復作報

國按據韓非子則復當訓報復之復鄭康成周禮注復

猶報也杜注重也失之陳樹華校本同

十八年春公將有行遂與姜氏如齊申繻管子作申俞曰女有

家男有室無相瀆也謂之有禮易此必敗公會齊侯于濼

遂及文姜如齊齊侯通焉國服虔云旁淫曰通詩公謫之

國韋昭漢書注謫譴也杜本此以告夏四月丙子享公國

服虔云為公設享讌之禮史記集解杜取此使公子彭生乘公

國蔡邕獨斷乘猶載也公薨于車國史記魯世家使公

子彭生抱魯桓公因命彭生折其脅公死于車按玉篇
斸字下引左氏傳云拉公斸而殺之云以手拉折其斸
今攷玉篇誤以公羊爲左氏傳下句卽何休注也詩毛
傳又云益殺之說文益捉也與拉字義亦通魯人告于
齊曰寡君畏君之威不敢寧居來修舊好禮成而不反無
所歸咎惡於諸侯請以彭生除之齊人殺彭生 秋齊侯
師于首止國服虔云首止近鄭之地史記郡國志陳留郡
已吾有首鄉杜同子亶會之高渠彌相七月戊戌齊人
殺子亶而輟高渠彌國鄭元周禮注輟車裂也杜本祭仲
逆鄭子于陳而立之國服虔云鄭子昭公弟子儀也詩按
史記作召公子亶弟公子嬰于陳而立之是爲鄭子按

小司馬云左傳以鄭子名子儀此云蓋必有所見杜取服說是行也祭仲知之故稱疾不往人曰祭仲以知免仲曰信也 周公欲弑莊王而立王子克鬲賈逵云莊王弟子儀也史記集解杜取此 辛伯告王鬲賈逵云辛伯周大夫也同上杜取此 遂與王殺周公黑肩王子克奔燕初子儀有寵於桓王桓王屬諸周公辛伯諫曰竝后匹嫡兩政耦國亂之本也周公弗從故及

春秋左傳詁卷五終

曾孫用懃校刊